



Inatsisartunut ilaasortaq Lars Poulsen, Siumut
/Maani

§ 37 naapertorlugu Royal Greenland pillugu apeqquteqaammut nr. 2023-43-mut akissut

Inatsisartut suleriaasianni § 37-mi imm. 1 naapertorlugu Royal Greenland pillugu Naalakkersuisunut apeqquteqaateqarputit.

Apeqqutit tulliuuttumi akineqarput.

Apeqqut 1) 1) Ingerlatsivissuaq Royal Greenland tamakkiisumik inuiaqatigiinniit pigineqarpa, innuttaasut kalaallit piginnittuullutik?

Akissut: Inatsisit tunngavigalugit Royal Greenland Naalakkersuisut Siulittaasuata Naalakkersuisoqarfiata ataaniilluni Namminersorlutik Oqartussanit tamakkiisumik pigineqarpoq.

Apeqqut 2) Suliffeqarfissuaq Royal Greenland, ulloq manna tikillugu, Kalaallit Nunaanni qitiusumik qullersaqarfeqannginnera ilumoorpa?

Akissut: Inuussutissarsiornermut Aqutsisoqarfimmi paasissutissat pisortatigoortut naapertorlugit, Royal Greenland A/S nalunaarsorsimasumik Qasapi 4, 3900 Nuummi qullersaqarfeqarpoq.

Apeqqut 3) Inuit qassit Royal Greenland ingerlatsiviup pisortaqtigiivini inissisimappat, nalunaarusiallu akuerisat kingulliit malillugit, akissarsiaat katikkaanni qanoq annertutigippat?

Akissut: Inuussutissarsiornermut Aqutsisoqarfimmi paasissutissat pisortatigoortut naapertorlugit, Royal Greenland A/S-imi atsiorsinnaatitaasunik sisamanik pisortaaneqarpoq. Ingerlatseqatigiiffiup nittartagaani ingerlatseqatigiiffiup ukiumoortumik nalunaarsuiaani tamanit takuneqarsinnaasumi, qullersaqarfimmiut akissarsiaat allassimapput: <https://www.royalgreenland.gl/da-gl/royal-greenland/om-royal-greenland/fakta-og-nogletal/>.

Apeqqut 4) Royal Greenland ingerlatsiviup pisortaqtigiivisa nalinginnaasumik akissarsiami saniatigut 2021-imi "aggorneriassanik" (bonus) pissarsineranut suna tunngavigineqarpa, taakkualu katillugit qanoq annertutigippat?

Akissut: Angusat naapertorlugit qullersaqarfimmiut agguagassarsisinnaasut, Royal Greenlandip 2021-mut ukiumoortumik nalunaarusiaani atuarneqarsinnaavoq. 2021-mut ukiumoortumik nalunaarusiaq innersuussutigalugu, agguagassarsiissutigineqartut katillugit 5.762.000,00 koruuniupput.

14-02-2023
Sags nr. 2023 - 136
Dok. nr. 22414567

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Agguagassarsiarineqartartut ukiumit ukiumut assigiinneq ajorput, 2020-mullu kiisalu 2019-imut ukiumoortumik nalunaarusiani allassimavoq, qullersaqarfimmiut agguagassarsiassaannut aningaasanik immikkoortitsisoqarsimanngitsoq. 2020-mi 2019-milu annikinnerusunik ataasiakkaatigut agguagassarsiaritinneqartut, ukiup siuliani naatsorsuutit pillugit naatsorsuutitigut aningaasartuutinut naapertuupput. 2018-imi qullersaqarfimmiunut agguagassarsiaritinneqartut katillugit 4.299.000,00 koruuniupput.

a. Aalisartut kalaallit aamma piffissami tassani assingusumik aggorneriassanik (bonus) pissarsippat?

Akissut: Royal Greenlandip paasissutissiissutigaa, maani nunatsinni sinerissap qanittuani aalisartunut 2021-mi 41 mio. koruuninik agguagassarsisitsisoqarsimasoq.

Apequt 5) Royal Greenland ingerlatsiviup pisortaqtigiivineersuni arlaat Kalaallit Nunaanni akileraartussaataalluni najugaqarpa, tassa pisortaqtigiivineersuni arlaannaalluunniit piginnittut nunaanni najugaqarpa akissarsiaminillu nunamut akileraartarluni?

Akissut: Inuussutissarsiornermut Aqutsisoqarfimmi paasissutissat pisortatigoortut naapertorlugit, aap.

Inussiarnersumik inuulluaqqusillunga


Kalistat Lund